

MME IDIŌŃŌ, MME MFRI YE MME UFŌN EMI ETODE ERINYAÑA UKPŌŃ

Ńwed Mbon Rome 5:1-21; 6:1-23.

ŌYŌHŌ UKPEP-ŃKPŌ 384

Eke IkpŌ Owo

IKŌIBUOT: “Nso ndien ke nnyin ididŌhŌ? Nte nnyin ikpamana iyire idiŌk-ŃkpŌ, man mfŌn ŌdŌdiŌŃ awak? Nsa nnyin o! Nnyin, emi ima ikakpaña iwŌrŌ ikpŌŃ idiŌk-ŃkpŌ, idinam didie idu uwem ke esit aba? (Ńwed Mbon Rome 6:1, 2).

I. Utebe-ikpe

1. Etebe nnyin ikpe oto ke mbuŌtidem, ndien ke oro ebede nnyin inyene emem ye Abasi, Ńwed Mbon Rome 5:1; Ńwed Mbon Ephesus 2:8, 14; Ńwed Mbon Rome 8:1; 4:19-22.
2. Owo emi enyañade enyene unen ndisaña Ńkpere Abasi nnyuñ inyene ebuana ye Enye, Ńwed Mbon Rome 5:2; I John 1:3.
3. Mme ŃkpŌ-ntibe enam idaha nnyin ke spirit ŌfŌn, Ńwed Mbon Rome 5:3-5; 8:28.

II. Usio-Isop

1. Ke ini nnyin mikenyeneke idorenyin, mme usuñ erinyaña, Christ akakpa ŌnŌ nnyin, Ńwed Mbon Rome 5:6.
2. Nnyin nte mme anam-idiŌk ke Ńkañ Abasi, ima inyene emem ye Abasi oto ke mkpa Eyen Esie, Ńwed Mbon Rome 5:7-11.
3. Okoto ke owo kiet, Adam, idiŌk-ŃkpŌ okoduk ke ererimbot, ndien oto ke Ńkop-item ye uwa Owo kiet, Jesus Christ, ema esiak usuñ ubŌhŌ enŌ nnyin, Ńwed Mbon Rome 5:8-21.

III. Erikan IdiŌk-ŃkpŌ

1. Owo emi enyañade, iduhe aba uwem idiŌk-ŃkpŌ, edi odu ke Christ, oro edi ke obufa uwem, Ńwed Mbon Rome 6:1-5; I John 3:4-10; Ńwed Mbon Galatia 5:22-24.
2. Ke utebe-ikpe, ekŌŃ akani owo, kpa uduot Adam ke eto, ke ini enamde nnyin isana, ewot ikpŌhidem idiŌk-ŃkpŌ, Ńwed Mbon Rome 6:6.
3. Christ, ke ema ekenam eset ke mkpa, itŌŃŌke aba ntak ikpa mkpa, ntre nnyin ke ima ikakpa ikpŌŃ idiŌk-ŃkpŌ, ikabare idu uwem inŌ Abasi, Ńwed Mbon Rome 6:7-11.
4. Ekpe nnyin ubŌk ete, inam ŃkpŌ Abasi ke edisana-ido, ikunyuñ ikere ite ke mfŌn Abasi eyefuk idiŌk-ŃkpŌ nnyin, edi akam ekpeme nnyin mbak idiŌk, Ńwed Mbon Rome 6:12-23; Mme Hebrew 12:14.
5. Ubiere-ikpe idiŌk-ŃkpŌ ododu; edi enŌ Abasi edi nsinsi uwem, Ńwed Mbon Rome 6:23.

SE EKPEPDE EBAÑA

Emem Ye Abasi

Kiet ke otu mme ufŌn emi IkŌ Abasi enyenede edi emem ke esit ye ukpŌŃ. Owo eke minimke ke akpanikŌ isim erinyaña ukpŌŃ odu ke ufin, koro kpukpru owo ema enam idiŌk-ŃkpŌ, enyuñ etaba ubŌŃ Abasi. Enye ekeme nditre ndifiŌk ete ke imŌ idu ke ufin satan, onyuñ ekeme ndibure ete imekeme ndinam nte imade, edi ata ubŌhŌ idighe nte owo ŌdiŌŃŌde tutu enam enye ŌbŌhŌ ufin idiŌk-ŃkpŌ, onyuñ anam se Abasi oyomde enye anam. UbŌhŌ ubiomikpe idiŌk-ŃkpŌ ye uwŌrŌ-ufin idiŌk-ŃkpŌ eda ebuana edi ye Abasi ye emem ke ekikere, onyuñŌŃ esit idara eke ayañade owo nditiñ, onyuñ ŌyŌhŌde ye ubŌŃ.

Ekot Abraham, ete mme anam-akpanikŌ. Emi okotibe sia enye okonimde Abasi ke akpanikŌ, onyuñ asaña nte Enye etemedede. Ke ini emi Abasi ama ŌkŌŃwŌŃŌde ete ke edito ke ubon Abraham, ofuri ererimbot ekut ufŌn, Abraham ama onim ke akpanikŌ ete, ke se Abasi ŌkŌŃwŌŃŌde enye eyenam ŌwŌrŌ osu ke ifiŌk owo enye ama ŌfiŌk ete ke imŌ idinyeneke eyen, “edi mbuŌtidem ibŌhŌke enye: enye owuk enyin ese uñwŌŃŌ Abasi, inyuñ iyikke ke unana mbuŌtidem, edi akabare enyene odudu oto ke mbuŌtidem, ŌnŌ Abasi ubŌŃ: onyuñ otim obure ŌfiŌk ete, Abasi ekeme Ńko ndinam se Enye ŌkŌŃwŌŃŌde. Emi edi ntak eke ebatde mbuŌtidem esie enŌ enye ke edinen ido” (Ńwed Mbon Rome 4:20-22). EñwŌŃŌ Abasi ama osu, Isaac ama amana ke ini usŌŃ Abraham; ndien oto ke ubon eyen emi, Jesus ekedi ediwa Idemesie nte andinyaña ererimbot.

Utebe-Ikpe

Nditebe owo ikpe ọwọrọ ete ke owo oro enen. Owo enyene ndibọ ufen idiok-ńkpọ kiet ekededi, edi ke nnyin ibuotde idem ke iyip Jesus emi ọkọduhọde, inyuń inim ite Abasi ọkọdọń Enye ete, edikpa ke abaña mme idiok-ńkpọ nnyin, iyekut nte esiode isop kpukpru idiok-ńkpọ, edinen-owo onyuń akpade ọnọ anam-idiok. Edisana Spirit ndinam owo ọfiok ete imedue isop, anam-idiok ọfik Ubiere-ikpe emi anade ọnọ enye; ndien ndibe nduk ke uńwana ikọ Abasi emi ọdọhọde ete, ke owo enyene ọyọhọ unen ndibọ erifen ke mfọn ke adaña ini emi enye inimde Ọbọń Jesus Christ ke akpanikọ, edi ata utibe mbufiok. Ndinyene utebe-ikpe ke iso Abasi, ndinyaña nnyin nsio ke idiok-ńkpọ, Edisana Spirit ndidi ntiense ete ke enam utom oro ke esit nnyin ada erikan edi keuwem nnyin, ye akwa idara ye itoro emi otode ke esit ọwọrọ.

Ndibọ ọyọhọ erifen ke ndudue emi abañade mme mbet Obio nnyin edi se ifọnde; se ikpade nnyin idem edi ke ini ifiokde ite mme idiok-ńkpọ emi ikanamde ama ayat Abasi esit, ndien ke Enye ndikọnọ Eyen Esie edi man edikpe utip idiok-ńkpọ nnyin, Enye ama asiak usuń ubọhọ ọnọ nnyin ndibọ erifen, nnyuń mbọhọ nsinsi ufen.

Idiok-ńkpọ Ọfuri Ererimbot

Okoto ke owo kiet, Adam, idiok-ńkpọ oduk ke ererimbot, ndien erinyaña nsio ke idiok-ńkpọ onyuń oto owo kiet, Jesus Christ, osim nnyin. Adam ye Eve ekenam idiok ke Ińwań Eden ke ndisọń ibuot ye Abasi, ndien oro akabare edi se ekutde ke kpukpru uduot owo ete “Kpukpru owo ema enam idiok-ńkpọ, enyuń etaba ubọń Abasi” (Nwede Mbon Rome 3:23). Ke Adam ye Eve ema ekeduọ ke idomo ke ińwań Eden, uduot emi ebe ndien osim kpukpru emana. Emi ekedi idiok mbiara uduot. Ntre edi akpanikọ ete nnyin idi mme anam-idiok ke emana, ndien ke ikponde idiọńọ idem, uduot idiok-ńkpọ emi onuk nnyin ndimek idiok-ńkpọ ńko.

Edi akpanikọ ete ke idighe kpukpru owo etiene ukem usuń idiok-ńkpọ emi, edi Nwede Abasi ọdọhọ ete, “Kpukpru owo ema ena idiok-ńkpọ, ...” Oro ọwọrọ ete ke ndusuk idaha kpukpru owo enyene ndudue, ndien enyene ndiyom erifen. Idiok-ńkpọ odu ke kpukpru ebiet, usuń ubọhọ onyuń odu ke kpukpru ebiet. “Koro Abasi akamama ererimbot ntem, tutu Enye osio ikpọń-ikpọń Eyen emi Enye obonde ọnọ, man owo ekededi eke ọbuotde idem ye Enye okutak, edi enyene nsinsi uwem” (John 3:16).

Edinam-asana

Idiok-ńkpọ enyene uduot iba. Ke etińde ebaña “idiok-ńkpọ” nte kiet, oro ediwak ini ada ọnọ oruń, mme nda-mmana idiok-ńkpọ. Ke etińde ebaña “ediwak idiok-ńkpọ” ada ọnọ mme idiok-ńkpọ emi owo anamde ke idemesie. Mme ikọ emi “fen” ye “dahado” enyene ńkpọ ndinam ke erifen mme idiok-ńkpọ nnyin, ndien mme ikọ emi “yet”, “Sio”, “diọń”, “Nam-asana” eda enọ ediwubere uduot obuk-idem, nda-mmana idiok-ńkpọ, mme, akani owo mfep.

Ke ukpep-ńkpọ emi, nnyin ikot ke Nwede Mbon Rome 6:6, “sia imọfiok emi ite, ema ewot akani owo emi nnyin ikedide ke cross ye Enye man ebiet ikpọhidem idiok-ńkpọ, man nnyin ikudi aba ifin idiok-ńkpọ”. Ke ini etebede nnyin ikpe, ekọń akani owo oro, uduot obukidem ke krọs. Emi ke akpanikọ edi ita, edi oro iwutke ite enye akpa ofuri-ofuri. Ekọń enye do, “man ebiet ikpọhidem idiok-ńkpọ”, kpa mbiara uduot. Ndibiat ọwọrọ ndikure ye enye ofuri-ofuri.

Kpukpru se Nwede Mbon Rome ibuot 6 akamade edi, ke nnyin inyene ndibọhọ idiok-ńkpọ, inyuń inyeneke ndidu aba uwem ke idiok. Enye ada ọnọ owo ndidu uwem unana idiok-ńkpọ, ndinyuń mbọhọ umehe udọń edinam idiok-ńkpọ emi “akani owo” oro ọdọńde mbemiso esobo enye. Ekpep nnyin ete ke ndisana uwem nnyin etiń ebaña utom emi Abasi anamde ke esit nnyin. Ndusuk owo efaña ete ke owo ikemeke ndidu uwem emi ananade idiok ke ererimbot emi, edi ndikpep ntre ọwọrọ ndinam se ikọ Abasi akpande. Nnyin ikot ke Nwede Mbon Rome 6:1, 2; “Nte nnyin ikpamana iyire idiok-ńkpọ, man mfọn ọdọdiọń awak? Nsa nnyin o! Nnyin, emi ima ikakpaña iwọrọ ikpọń idiok-ńkpọ, idinam didie idu uwem ke esit aba?”

Uduok-Mmọń

Ke uduok-mmọń emi inade, itiń inọ ererimbot ite ke nnyin imakpa ke ńkań idiok-ńkpọ inyuń idu uwem inọ Christ. Nnyin ibuho ye Enye ke uduok-mmọń inyuń iwọrọ ke mmọń nte ntiense ite ke imeset man isaña ke obufa uwem. Mbemiso nnyin ikabare esit, akani uwem nnyin okodu ke idak ukara asua ukpọń nnyin kpa satan, edi ke ima ikamana obufa, ema enọ nnyin odudu nditre ndinam idiok-ńkpọ. “Owo eke anamde idiok-ńkpọ edi eke Satan, koro Satan ananam idiok-ńkpọ toto ke eritọńọ. Ema esio Eyen Abasi enim ke ntak emi, man Enye akpabiat utom Satan. Baba owo kiet eke Abasi okobonde inamke idiok-ńkpọ, koro se Abasi adade obon enye nte enye oduńde enyen ke idem; enye inyuń ikemeke ndinam idiok-ńkpọ, sia edide Abasi okobon enye” (1 John 3:8, 9).

Owo ndomo kiet inaha oyom enim imo uduok-mmom, ibohoke ofiok oyohoyohoye ete, imo imamana obufa. Mme okworo-ikok ekpenyene ndibuk ke mmom suk mme mmok oro ema ekebe ke mkpa eduk ke uwem, emi spirit Abasi ama okonyun etie ntiense ye spirit mmok ete ke Abasi obon mmok. Edieke Abasi ama ekebe owo ikpe, enye enyene ntiense oro, enye onyun enyene unen ndina uduok-mmom, onyun enyene odudu ndidu uwem unana idiok-nkpo. Nte enye asanade ke unwana Iko Abasi, mfri spirit Abasi eyeyarare ke uwem esie (Nwed Mbon Galatia 5:22-24), ndien eyeda enye usun eduk ke mme ntotunok nkpo. Enye ndien eyesop ndikut nte ke akpana eyet imo isana enyun eno imoUduok-mmom Edisana spirit. Nte ededi, inaha enye ebet tutu obok edinam asana ye uduok-mmom edisana spirit, mbemiso enye ana uduok-mmom. Utu ke oro, ke ema ekenyana enye, akpa nkpo akpana enye etiene Obon ke uduok-mmom.

Ukpuhore

Akamba ukpuhore odu ke ufot owo emi enyanade ye enye emi minyanake. Edieke iyakde idem nnyin nte mme asana-utom Christ, nnyin iyedok uwem edisana ido ye idara, ndien ke akpatre, nsinsi uwem. Ndidomo ndinyana idem nnyin nto utom nnyin, mme edinim ibet idinwanke, edi ndibuot idem ke Iyip Jesus, ada idorenyin erinyana edi. Andidiok edi andinok owo okposon idiok utom, edi utip esie ana sana-sana. Utip idiok-nkpo edi mkpa. Abasi amama ikot Esie onyun anwana mme edidion Esie onok mmok, ndien ke akpatre mmok ebok ke eno mfon Esie, kpa nsinsi uwem oto ke Jesus Christ.

Mfon Ke Idomo

Anditiene-Christ itreke ndinyene idomo, edi enye ekeme ndikan mmok oto ke odudu Abasi. Ediwak nkpo emi edide mme ikpo idomo onok mmok emi mikabakere esit kana, anditiene-Christ ada oro nte usun emi Abasi oyomde ndida nkpep imo ndibuot idem ye Obon esie. Anditiene-Christ enyene unen ke Ebekpo Mfon, ndien akam esie odok kpukpu ini etiene Ete. Edisana Spirit ekpep enye usun ndibon akam, onyun obon akam ebe ke enye ye mmum eke owo mikemeke nditin. Ke ini enye ofiokde ete ke “ukut okoro ime” enye ekeme ndikut nte, kpa ye mkposon nkpo oro, ubon Abasi osuk ayayama ke esit. Edi itie esie ndidohok nte Job, “Sese mme enye eyewot mi, nnyeneke idorenyin, edi nyekana ido mi ke iso esie”. Ndien enye eyekut ye Job ete ke utit esie ofon akan eritono.

MME MBUME

1. Ke didie ke nnyin inyene utebe-ikpe?
2. Nnyin inyene ndinam didie, inyun ikere ite idomo edida nso edi?
3. Idiok-nkpo okoto anie osim ubon owo? Erinyana oto anie owo?
4. Nte owo emi ema ekenyana ke osuk akaka iso ke idiok-nkpo esie?
5. Siak usun idiok-nkpo iba. Enam didie ye mmok kiet-kiet oto ke odudu Usio-isop?
6. Nnyin inyene ndibat idem nnyin didie ke abana idiok-nkpo?
7. Nnyin idi mme asana-utom anie edieke ima ikobohok idiok-nkpo?
8. Tin ukpuhore emi odude ke utit idiok owo ye eke owo Abasi?
9. Nso idi idion mfon Abasi ke esit nnyin?
10. Nnyin ikedi mme asana-utom ino anie mbemiso enyana nnyin esio ke idiok-nkpo?